

## Christliche Leichpredig.

den/ Sinein gar nicht/denn hat dich Gott Erwehlet/daz du  
solt selig werden / so hat er dich auch Erwehlet / daz du solt  
sein / Heilig vnd vnsträfflich für ihm/ in der liebe Ephes. 1.  
Durch gute Werck/macht sich der Mensch der Erwehlung  
gewiß/wie S. Petrus lehret/ 2. Petri. 1.

Daz wir aber bemebens sagen/daz die Außerwehlten  
nicht können verdampt werden / das haben wir von vnserm  
Herrn Jesu Christo gelernet/d' spricht selber/bey Matt. 24.  
Es sey unmöglich daz die Außerwehlten können verführt  
werden. Item Joh. 10. Niemand wirdt mir meine Schaafe  
aus meiner Hand reissen / dann Gott der Herr ist nicht so  
wanckelmütig / vnd vnbeständig / wie ein Mensch / daz er  
heut einen Erwehlet / morgen verstößet er ihn wider / daz  
er einen heut in das Buch des Lebens einschreibe / vnd ihn  
morgen wider aus lösche / Sinein gar nicht / bey Gott ist  
kein solche wanckelmütigkeit vnd vnbeständigkeit / denn es  
heisset viel mehr bey ihm/ mein anschlag bestehet / vñ all mei-  
nen willen verbring ich/ Esai. 46. Der veste Grund Gottes  
bestehet / vnd hat diesen Siegel / der Herr kennet die seinen/  
2. Timoth. 2. Gottes gaben vnd beruffung lassen sich nicht  
ändern/Röm. 11. cap.

Niemand aber soll an der Erwehlung zweyffeln / son-  
der ein jeder soll Glauben er sen zum ewigen Leben Erweh-  
let/wilt du es aber gewiß wissen / so darffest du nicht hinauff  
in Himmel steigen oder klettern / vnd in Gottes geheimmes  
Rathstüblein gucken / sondern sihe auff deinen Beruff/  
Röm. 8. Halte dich an das geoffenbarte Wort Gottes vnd  
Euangelium/höre fleißig Gottes Wort/ Joh. 10. Erkenne  
deine Sünde/habe herzlich Rew/vnd leyd 2. Cor. 7. bitte  
Gott vmb verzeihung/ Psalm. 32. Troste dich im wahren

F

Glau-